

衢州文獻集成

〔史部〕

第
68
冊

衢州文獻集成

黃靈庚 諸葛慧艷

主編

〔史部〕

第
68
冊

國家圖書館出版社

(清)宋成綏修 (清)陸飛纂

「乾隆」江山縣志十六卷
(卷一至七)

清乾隆四十一年(1776)刻本

「乾隆」江山縣志十六卷 提要

清宋成綏修，清陸飛纂。成綏，江蘇長洲監生，乾隆三十二年知江山縣。飛號筱飲，浙江仁和舉人，乾隆三十八年主江山文溪書院講席。宋氏序言：「諸紳士以修志請，余欣然爲倡，遂延陸君主其事，更定類例，參考史籍，補闕訂訛，閱歲乃成。」可見志成於陸飛之手。此志卷首有宋成綏序、凡例、纂修姓氏、志圖、總目，卷末附有明正德至康熙癸巳間所修諸志舊序，其中汪浩序不見載前志。此志凡十六卷，以舊志門類蕪雜，又多造名目，殊怪志體，遂立爲二十門，曰星野、山川、沿革、城垣、公署、關津、學校、賦役、壇廟、古跡、職官、選舉、名宦、人物、恩榮、風俗、物產、祥異、藝文、雜錄；有些門類下又附以他目，如星野下附有疆域、形勢，學校下附以書院。此志引證資料必注明出處，闕者補之，訛者正之，所引悉從原書，或文繁不能盡錄，祇從刪節，不作增改，於詩文則錄其全篇。其於詩文或屬山川或屬古跡等類者，各從其類，以時代相次散附於其下，惟無門類可歸者則分體入《藝文志》。對於康熙癸巳舊志所載非一邑所專屬之內容，如「學規」「師儒」者，是志悉刪去。此志常引「正德」《江山


縣志》，可見當時正德舊志尚存。是志旁稽博考，徵信有據，少有空論，較之諸舊志改進不少。此書據清乾隆四十一年刻本影印。

第六八冊目錄

〔乾隆〕江山縣志十六卷（卷一至七）

（清）宋成綏修（清）陸飛纂
清乾隆四十一年（1776）刻本

.....



915.1248
3029

甲34840-34947

重修江山縣志序

邑志之作其于宰是邑者為尤重乎履其地撫
其人山川廬井磅礴隱賑農服先疇士食舊德
觀政即于是矣江山有志自明始在正德則有
吳亞夫仲在嘉靖則有黃理夫綸在天啟則有
張秉瑞鳳翼在

國朝康熙辛巳則有朱紹亭彩癸巳則有汪東瀾
浩繼是無續修者間考前志頗乖體例如輿地
志之有星野建置志之有演武卹典秩祀志之

有生祠特祠職官志之有幕屬師儒宦績一物
產也或以入國計或以入雜記一風俗也或以
入輿地或以入拾遺創立名目強為區別畧舉
大凡類不可曉其中承誤襲謬更多未有以正
之焉余以乾隆丁亥宰是邑地當孔道簿書旁
午無敢自逸不暇為纂述之謀又不文雖心訾
其陋蓋闕如也癸巳歲陸解元筱飲來主文溪
講席逾年諸紳士以修志請余欣然為倡遂延
陸君主其事更定類例參考史籍補闕訂訛閱

歲迺成江山自經兵燹之後故家先籍罕有存
者文獻是徵慮其不足然虛中商榷援据精審
以視前志事勞而功倍矣夫人薄遊所止興情
偶寄探勝地之幽遐訪遺蹟于湮沒摩挲金石
捫踐煙蘿且託諸詠歌以志不忘況久吏于斯
習其風土而稔其人情出入有如里居親愛猶
吾一家尤有不能翫置者歟且夫

聖天子右文崇古旁稽博攷勒成四庫全書立千古
文治之極軌則雖山圖海錄尚將亟為採葺用

江
山
志
卷
六
二
佐同文之盛是志也豈特一邑之光也哉雖然
余宰是邑十年矣年穀時熟四境謐如蓋有天
幸今雖邀譽上官膺卓薦而求可以附循吏之
末得藉以不朽者無有也是則余之有愧于志
也乾隆四十一年歲次丙申新秋長洲宋成綏
敘



凡例

一舊志門類蕪雜又多造名目殊乖志體茲酌爲二

十門曰星野

疆域形勢附

曰山川

池井陂灘塘堰附

曰沿革曰

城垣

兵防附

曰公署

公館鋪司附

曰關津

鎮墟街巷鄉坊附

曰學

校

書院附

曰賦役

戶口倉廩育嬰堂養濟院附

曰壇廟

祠寺觀菴塔院漏澤

園曰古蹟

冢墓附

曰職官曰選舉

貢監附

曰名宦曰人

物曰恩榮

仕籍附

曰風俗曰物產曰祥異曰藝文曰

雜錄共爲十六卷次序編纂庶使易於檢閱

一考古所以証今書目不著何以徵信舊志多不載

書名卽有引用亦多改削謬誤甚多茲缺者補之
訛者正之所引悉從原書或文繁不能盡錄止從
節刪不敢增改惟詩與文異必錄全篇

一詩文或屬山川或屬古蹟各從其類如仙霞嶺卽
附仙霞詩江郎山卽附江郎詩以便省覽其詩文
各以時代相次不復分體惟無門類可歸者兼爲
分體入藝文

一邑志但志一邑苟非是邑所專屬弗志可也如
文廟之禮儀祭品以及從祀先賢寰宇通行詳載

會典何待煩言至風俗物產亦必志其不同之處
若風俗則掇拾荆楚歲時風土記農家月令之類
物產則有似不全本草皆徒費楮墨寧從其畧

舊志缺畧謬誤隨條考証皆據書史無須贅辨或
書有異同及舊志大相背謬者皆附以案其無可
考者仍以闕疑

一舊志增新訂舊至四百餘條藝文一門蕪雜尤甚

如毛諫議徐正節柳待制趙中丞璩孝子周烈婦
既入人物及各宦而藝文復有傳柳待制傳又卽
修志之宋廣文自作文則如重刻小學句讀序孝
經序宗譜序三蘇文欽序中流砥柱賦蒲團賦斗

亭賦漁者說翰林讀書記詩則如西安抵浦城立春前一日感歲因雨遣興賦得山意衝寒欲放梅
黷校遺懷此類甚夥今附載詩文既分見各門其入藝文者

凡有乖志體不關緊要繁復無當著作不佳槩從

刪削

共刪去一百三十二篇

亦有視似無關而不得不載者

如毛介川趙留齋皆江山巨公集已無存存其序以見一班並與柴望蔣傳等各存其表奏章疏有關治道人心者一二篇以志景仰至舊志所載唐宋元人詩雖不見本集亦存以闕疑又贈答因人而重如東坡之於毛澤民周文之舊志既借光簡

冊不得以不在江山而缺之餘以類推次第補入

共補詩文一

百六十七篇

一前哲題詠不嫌博採卽時賢篇什亦亟爲登錄惟作者見存恐阿所好雖名章鉅製不敢遽登

一邑有利弊隨時興革在實政不在空言好附論議徒滋口實皆所不取